

# Alkitab kanggo murangkalih Nyanggakeun

## Wilujeng Kantun Firaun!



Ditulis ku: Edward Hughes

Ilustrasi/juru gambar ku:  
Janie Forest, Alastair Paterson

Disaluyukeun ku: Lyn Doerksen

Ditarjamahkeun ku: Kurnia Arifin

Diproduksi ku: Bible for Children  
[www.M1914.org](http://www.M1914.org)

©2025 Bible for Children, Inc.


Lisensi: Saderek ngagaduhan hak kanggo ngopy atanapi nyetak carita ieu, salami sanes kanggo tujuan komersil.

1




Firaun ambek! Gusti  
geus maréntahkeun  
manéhna ngaliwatan  
Musa pikeun ngidinan  
budak Israil  
ninggalkeun Mesir.  
Anjeunna nolak.

2




"Migawekeun maranehanna lewih beurat deui", Firaun marentah ka juragan budak beulian. Kaayaan urang Israel ayeuna katingalina beuki leuwih goreng.

3



"Kumpulkeun jarami sorangan. Kami moal nyadiakeun deui. Tapi nyieun bata mah jumlahna kudu sarua." Éta paréntah anyar Firaun.

4



Patugas-patugas mecutan sababaraha budak kusabab teu boga waktu pikeun ngumpulkeun jarami bari jeung angger

nyieunan bata.

5



Jalma-jalma eta teh nyalahkeun Musa jeung Harun kulantaran maranéhna aya dina kasusah. Lajeng Musa manggihan hiji tempat pikeun ngadoa.

6



"Nun GUSTI," anjeunna sasauran, "Anjeun teu acan nyalametkeun umat Gusti sama sakali." "Kami teh GUSTI, Kami bakal ngaluarkeun aneh," waler Gusti.

7



Lajeng Gusti ngutus Musa jeung Harun balik deui ka Firaun. Nalika raja anu gagah perkasa menta tanda ti Gusti ka badega-badega-Na,

tongkat Harun teh ngadadak robah jadi oray.

8



"Calukan ahli-ahli sihir kuring," saur Firaun. Waktos tukang-tukang sihir Mesir ngalungkeun tongkatna, eta iteuk jadi oray. Nanging tongkat Harun ngelek nu lian. Namung, Firaun tetep moal ngantep jalma-jalma eta indit.

9



Isukna, Musa jeung Harun papanggih jeung Firaun di walungan. Waktos Harun ngacungkeun tongkatna, Gusti ngarobah cai jadi getih. Lauk teh paraeh! Caina oge teu bisa dipake nginum!

10



Tapi Firaun ngaheuraskeun haténa. Anjeunna moal ngantep urang Israil ninggalkeun Mesir.

11



Kitu deui, Musa nitah Firaun sangkan umat Gusti indit. Firaun nolak deui. Gusti ngutus bala sejen. Sakabéh Mesir pinuh ku bangkong. Unggal imah, unggal kamar, malah panci paranti masak geus pinuh ku bangkong!

12




"Doakeun kuring, mugé Gusti ngaluarkeun eta bangkong," saur Firaun. "Sareng kuring bakal ngantepkeun jalma-jalma aranjeun." Tapi, nalika bangkong arindit, Firaun robah deui pikiranna. Anjeunna moal ngabebaskeun budak-budakna.

13




Gusti lajeng ngirimkeun milyaran sarangga laleutik nu disebut kutu. Sarerea jeung sato ararateul kulantaran digegelan eta sato, tapi Firaun moal nyerah ka Gusti.

14



Salajengna Gusti ngutus laleur, ngagimbu. Gusti ngutus panyakit pikeun maehan ingon-ingon urang Mesir. Gusti ngirimkeun bisul anu nyeri. Jalma sangsara pisan. Masih keneh we Firaun nolak Gusti.

15




Sanggeus bala bisul, Gusti ngutus gorombolan simeut. Simeut ngadahar unggal pepelakan héjo dina taneuh.

16



Lajeng Gusti ngutus tilu poé poek mongkleng. Tapi Firaun anu bandel henteu keneh ngabébaskeun urang Israil.

17




"Kuring bakal ngirim hiji bala deui," Gusti ngingetkeun. "Dina tengah wengi, sadaya cikal manusa sareng sato galak bakal maot." Gusti nyarioskeun ka urang Israil yén anak cikalna bakal disalametkeun upami aranjeunna meperkeun getih domba dina lawang panto.

18



Dina tengah peuting, kadangu sora ceurik gagauran di Mesir. Dimamana aya kamaotan. Sahenteuna dina unggal imah aya hiji jalma maot.

19




"Kualar," saur Firaun ka Musa. "Geura, ngawula ka GUSTI." Gancangna, umat Gusti nyorang wates Mesir.

20



Allah nitah Musa mieling kana Peuting Paska sabab Malaikat GUSTI tos ngaliwat ka imah-imah urang Israil sarta narajang Firaun jeung rahayatna.

21



Sanggeus 430 taun di Mesir, umat Gusti ayeuna bébas. Gusti mingpin aranjeunna dina tihang awan ti beurang, jeung tihang seuneu ti peuting.


22



Tapi Firaun tacan réngsé jeung urang Israil. Sakali deui, manéhna mohokeun Gusti.

Sakali deui, manéhna robah pikiran. Manéhna ngumpulkeun pasukanna pikeun ngudag budak-budak beulian eta. Teu lami ti harita, maranehna kajebak dina gawir jeung laut.

23



"Gusti bakal perang pikeun anjeun sadayana," saur Musa. Musa tuluy ka sisi cai, sarta ngacungkeun leungeunna.

24



Hiji mujijat hébat lumangsung. Gusti mukakeun jalan ngaliwatan cai. Jalma-jalma tiasa aman meuntas.

25



Lajeng tentara Firaun gancang lumpat ka Laut Beureum. "Ayeuna urang bakal newak maranehanna," pikir para prajurit. Tapi Gusti nutupan deui eta cai. Tentara Mesir anu sakitu kuat ditelen ku cai. Ayeuna Firaun nyadar yén Gusti Israil nyaéta Gusti sadaya.

26

Wilujeng Kantun Firaun!


Carita tina Dawuhan Gusti, Alkitab

Kenging ti

Kaluaran 4-15

"Ngawitan bubukana Dawuhan Gusti anu masihan Caang." Psalm 119:130

27



11

60

28

Kisah Kitab Suci/Alkitab ieu nyarioskeun kasaean Gusti anu tos ngajantenkeun urang, sareng anu mikahoyong sangkan urang tiasa wanoh ka Anjeuna.

Gusti uningaun yen urang teh tos seueur milampah kasalahan, anu ku Mantena disebut dosa. Hukuman akibat tina dosa teh nyaeta pati, tapi Gusti Allah kacida mikanyaah Saderek dugika ngutus Putrana Yesus, kanggo pupus dina kai palang teras dihukum kumargi sagala dosa Saderek. Teras Yesus gugah deui sareng diangkat ka sawarga! Upami Saderek percanten ka Yesus tur neneda ka Anjeuna supados ngahampura sagala dosa Saderek, Anjeuna baris ngalaksanakeun panuhun Saderek eta! Anjeuna bakal sumping sareng linggih di lebet Saderek ayeuna keneh oge, tur Saderek bakal sasarengan sareng Anjeuna salalamina.

Upami Saderek percanten yen ieu sadaya teh hiji bebeneran, saurkeun ka Gusti sapertos kieu:

Nun Yesus, abdi percanten yen Anjeun teh Gusti, anu mijalma janten manusa tur pupus kanggo sagala dosa abdi, ayeuna Anjeun hirup deui. Sumangga sumping dina kahirupan sim abdi, hapunten sagala dosa abdi, supados abdi tiasa ngeningkeun hirup anu anyar, tur engke dina hiji waktos bakal sasarengan sareng Anjeun salalamina. Tuyun sim abdi supados taat mung ka Anjeun, teras abdi tiasa hirup kanggo Anjeun, salaku Putra Gusti, Amin.

Aos Kitab Suci sareng teras cumarios ka Gusti unggal dinten! Yohanes 3:16

29